

Larian amal Mid Valley kumpul dana RM100,000

10 Ogos 2018 3:00 AM





EDISI kelima Larian Amal Mid Valley City ini berjaya menarik penyertaan seramai 2,000 orang peserta.



LARIAN Amal Mid Valley City yang berlangsung pada 5 Ogos lalu berjaya mengumpul dana sebanyak RM100,000 untuk menyokong perlindungan alam sekitar dan inisiatif penggunaan sumber secara lestari.

Larian itu dianjurkan oleh The Gardens Mall dan Mid Valley Megamall.

Decor & Accessories Sourcing Furniture From 3500 Exhibitors



Furniture China

[VISIT SITE](#)

Buat julung-julung kali edisi kali kelima itu bekerjasama dengan pertubuhan bukan kerajaan iaitu Global Environment Centre (GEC) untuk mempromosi dan meningkatkan kesedaran mengenai pendidikan serta isu alam sekitar secara global.

Dana yang dikumpul melalui bayaran yuran pendaftaran daripada 2,000 peserta larian amal tersebut akan disalurkan kepada GEC untuk menjayakan usaha yang dilakukan pertubuhan berkenaan.

Sementara itu, Ketua Pegawai Eksekutif IGB REIT Corporation Berhad, Antony Patrick Barragry berkata, sebagai warga korporat, pihaknya ingin mengambil bahagian secara aktif dalam mempengaruhi komuniti tempatan berhubung alam sekitar.

“Kami berasa seronok apabila melihat begitu ramai orang teruja untuk berlari sambil mengumpul dana di atas sebab yang baik seperti ini.

“Kami berharap ia dapat menyokong GEC dalam meneruskan komitmen mereka,” ujarinya dalam satu kenyataan akhbar kepada *Kosmo!* baru-baru ini.